

КАНОН ПОХВАЛЕ ПРЕСВЯТЫЯ БОГОРОДИЦЫ (СУББОТА АКАФИСТА)

Празднуем в Субботу Пятыя Седмицы Великаго Поста

Тропарь, глас 8-й

Повелѣнное тайно приѣм в разумѣ, в кровѣ Иосифове
тщанием предстѣ безплотный, глаголя Неискусобращней:
приклонивый схождением Небесѣ, вмещается неизменно весь
в Тя. Егѣже и видя в ложеснах Твоих приѣмша рабий зрак,
ужасаюся звѣти Тебѣ: радуйся Невѣсто Неневѣстная.

Канон, глас 4-й

Песнь 1

Ирмос: Отвѣрзу уста моя, и наполнятся Духа, и слово отрыгну
Царице Матери, и явлюся светло торжествуя, и воспою радуясь Тоя
чудеса.

Припев: Пресвятая Богородице, спаси нас.

Христову книгу одушевленную, запечатленную Тя Духом,
великий Архангел, Чистая, зря возглашаше Ти: радуйся,
радости приятелище, Еюже праматерняя клятва разрешится.

Пресвятая Богородице, спаси нас.

Адамово исправление, радуйся, Дево Богоневѣсто, адово
умерщвление; радуйся, Всенепорочная, Палато всех Царя;
радуйся, Престоле огненный Вседержителя.

Слава: Цвете неувядаемый, радуйся, Единая прозябшая
Яблоко Благовонное; радуйся, рождающая благоухание Единого
Царя; радуйся Неискусобращная, миру спасение.

И ныне: Чистоты сокровище, радуйся, Еюже от падения
нашего востанем; радуйся, сладкоуханный крине, Владычице,
верных благоухай, кадило благовонное и миро многоценное.

Песнь 3

Ирмос: Твоя песнословцы, Богородице, живый и независтный источник, лик себе совокупльшия, духовно утверди: в Божественней Твоей славе венцев славы сподоби.

Пресвятая Богородице, спаси нас.

Клас прозябшая Божественный, яко нива неоранная яве, радуйся, одушевленная Трапезо, Хлеб животный вмещающая; радуйся, животныя воды Источник неистощаемый, Владычице.

Пресвятая Богородице, спаси нас.

Юнице Юнца рождающая непорочного, радуйся верным; радуйся. Агнице, рождающая Божияго Агнца, вземлющаго мира всего прегрешения; радуйся теплое очистилище.

Слава: Утро светлейшее, радуйся, Единая солнца носящая Христа света жилище; радуйся, тьму разрушившая, и мрачныя бесы отнюд отгнавшая.

И ныне: Радуйся, двере Единая, Еюже Слово пройде Единое, вереи и врата адова, Владычице, Рождеством Твоим сокрушившая; радуйся Божественный входе спасаемых, Богоневесто.

Господи, помилуй. (*Трижды.*)

Седален, глас 1-й

Великий воин невещественных Ангелов, во град Назарет представ, Царя возвещает Твоего, Чистая, и веков Господа: радуйся, глаголя Тебе, благословенная Марие, непостижимая и несказанная Глубино, человеков воззвание.

Слава, и ныне: *Тойже.*

Песнь 4

Ирмос: Седяй в славе, на престоле Божества, во облаце легце прииде Иисус Пребожественный, нетленною дланию, и спасе зовущия: слава, Христе, силе Твоей.

Пресвятая Богородице, спаси нас.

Во гласех пений, Дево, Тебе вопием, Всепетая: радуйся, тучная Горы и усыренная Духом; радуйся Свещнице, и Станно манну носящая, услаждающая всех благочестивых чувства.

Пресвятая Богородице, спаси нас.

Очисти́лище ми́ру, ра́дуйся, Пречи́стая Влады́чице; ра́дуйся Лэ́ствице, от земли́ всех возвы́сившая благода́тию; ра́дуйся Мо́сте, вои́стинну преводя́й всех от сме́рти к животу́ пою́щих Тя.

Пресвята́я Богоро́дице, спаси́ нас.

Небе́с превы́шшая, ра́дуйся, земли́ основáние в Твои́х ложесна́х, Пречи́стая, нетру́дно носив́шая; ра́дуйся Червлени́це, багряни́цу Божественную́ омочив́шая от крове́й Твои́х Царéви си́лам.

Слава: Законода́вца ро́ждшая и́стиннаго, ра́дуйся Влады́чице, беззакóния всех ту́не очища́ющего; недо́ведомая Глубино́, Высото́ неизрече́нная, браконейску́сная, Ею́же мы обожихомся.

И ныне: Тя, исплétшую ми́рови нерукоплетéнный венéц, песнослóвим, ра́дуйся, Тебе́ Дéво зову́ще: храни́лище всех и ограждéние, и утверждéние, и священное прибе́жище.

Песнь 5

Ирмос: Ужасóшася вся́ческая о Божéственной сла́ве Твоéй: Ты бо, Неискусобра́чная Дéво, имéла еси́ во утробе́ над все́ми Бóга и родила́ еси́ безлётнаго Сы́на, всем воспева́ющим Тя мир подава́ющая.

Пресвята́я Богоро́дице, спаси́ нас.

Путь ро́ждшая жи́зни, ра́дуйся, Пренепоро́чная, от пото́па грехо́внаго мир спáсшая; ра́дуйся, Богоневéсто, слы́шание и глаго́лание стра́шное; ра́дуйся пребыва́ние Влады́ки тва́ри.

Пресвята́я Богоро́дице, спаси́ нас.

Кре́пость и утверждéние челове́ков, ра́дуйся, Пречи́стая, ме́сто освяще́ния сла́вы, умерщвлéние áдово, Чертóже всесвётлый; ра́дуйся Ангелов Рáдосте; ра́дуйся по́моще véрно моля́щихся Тебе́.

Пресвята́я Богоро́дице, спаси́ нас.

Огнеобра́зная Колесни́це Сло́ва, ра́дуйся, Влады́чице, одушевлéнный Раю́, дре́во посреде́ иму́щи жи́зни Гóспода, Егóже сла́дость оживотворя́ет véрою причаща́ющихся, и тли подклонив́шихся.

Слава: Укрепля́еми си́лою Твоéю, véрно вопи́ем Ти: ра́дуйся, Гра́де всех Царя́, пресла́вная и достослы́шанная о Нейже́ глаго́лана бы́ша я́ве, Горó несекóмая: ра́дуйся, Глубино́

неизмерíмая.

И ныне: Простра́нное селéние слóва, рáдуйся, Пречíстая, сосúде, Божéственный б́исер произвédшая; рáдуйся всечúдное всех к Бóгу примирéние, блажа́щих Тя Богорóдице всегда́.

Песнь 6

Ирмос: Божéственное сие́ и всечестно́е соверша́юще пра́зднество, богомúдри, Богомáтере, приидите, рука́ми восплэ́щим, от Нея́ рóждшагося Бóга сла́вим.

Пресвята́я Богорóдице, спаси́ нас.

Чертóже Сло́ва Несквэ́рный, вина́ всех обоже́ния, рáдуйся, Пречíстая, проро́ков оглаше́ние; рáдуйся, апóстолов удо́брение.

Пресвята́я Богорóдице, спаси́ нас.

От Тебе́ роса́ ука́ну, пла́мень многобо́жия угаси́вшая; тем вопи́ем Ти: рáдуйся, Руно́ одушевлéнное, е́же Гедео́н, Дéво, предв́иде.

Слава: Се Тебе́, Дéво, рáдуйся, зовéм: пристáнище нам б́уди вла́ющимся, и оти́ши в пучи́не скорбéй и собла́знов всех бори́теля.

И ныне: Рáдости вина́, облагодати́ наш по́мысл, е́же зва́ти Тебе́: рáдуйся, неопали́мая Купино́, Облаче́ всесвэ́тлый, вэ́рныя непреста́нно осеня́ющий.

Господи, помилуй. (*Трижды.*) Слава, и ныне:

Кондак, глас 8-й

Взбра́нной воево́де победите́льная, яко изба́вльшеся от злых, благодарственна́я восписúем Ти раби́ Твой, Богорóдице, но яко имúщая держа́ву непобедимую́, от всяких нас бед свободи́, да зовéм Ти: рáдуйся, Невéсто Неневéстная.

Икос

Ангел предста́тель с небесе́ по́слан бысть рещи́ Богорóдице: рáдуйся! И со безплóтным гласом, воплоща́ема Тя зря, Гóсподи, ужасáшеся, и стоя́ше, зовы́й к Ней такова́я: рáдуйся, Е́юже рáдость возсия́ет; рáдуйся, Е́юже кля́тва исчэ́знет. Рáдуйся, па́дшаго Ада́ма воззва́ние; рáдуйся, слез Е́виных изба́вление. Рáдуйся, высотó неудобовосходима́я челове́ческими помы́слы; рáдуйся, глубино́ неудобозри́мая и

Ангельскима очіма. Рáдуйся, яко есі Царéво седáлище; рáдуйся, я́ко носиши Нося́щаго вся. Рáдуйся, звездó, явля́ющая со́лнце; рáдуйся, утрóбо Божéственнаго вопло́щения. Рáдуйся, Ё́уже обновля́ется тварь; рáдуйся, Ё́уже поклоня́емся Творцú. Рáдуйся, Невéсто Неневéстная.

Песнь 7

Ирмос: Не послужи́ша тва́ри богому́дрии па́че Созда́вшаго, но о́гненное прещéние му́жески попра́вше, рáдовахуся пою́ще: препéтый отцéв Господь и Бог благословéн есі.

Пресвятáя Богорóдице, спаси́ нас.

Воспева́ем Тя вопи́юще: рáдуйся, Колесни́це Со́лнца у́мнаго, Лозó и́стинная, Грозд зрéлый возде́лавшая, вино́ источа́ющий, ду́ши веселя́щее véрою Тя сла́влящих.

Пресвятáя Богорóдице, спаси́ нас.

Врача́ всех челове́к рóждшая, рáдуйся Богоневéсто, Жéзде та́йный, Цвет неувяда́емый процвётший, рáдуйся Влады́чице, Ё́уже рáдости наполня́емся, и жизнь насле́дуем.

Пресвятáя Богорóдице, спаси́ нас.

Витийству́ющий не мо́жет язы́к, Влады́чице, песносло́вити Тя, па́че бо Серафíмов возвы́силася есі, рóждши Царя́ Христа́; Егóже моли́ граду́ семú изба́виться от мно́гих искуше́ний.

Слава: Хва́лят Тя блажа́ще концы́, и любóвию зовúт Тебе́: рáдуйся Свítче, в нёмже персто́м написáся Отчеё Сло́во, Чíстая; Егóже моли́, в кни́ги живóтныя, рабо́м Твои́м написáтися Богорóдице.

И ныне: Мо́лим раби́ Твои́, и приклоня́ем колéно сёрдца на́шего: приклони́ у́хо Твоé, Чíстая, и спаси́ скорбьми́ погружа́емья прíсно, и соблюди́ от вся́каго вра́жия пленéния Твой град Богорóдице.

Песнь 8

Ирмос: Отроки благочестíвыя в пещи́ Рождество́ Богорóдино спасло́ есть; тогда́ у́бо образу́емое, ны́не же де́йствуемое, вселéнную всю воздвиза́ет пéти Тебе́: Го́спода пойте дела́ и превозносите Егó во вся ве́ки.

Пресвятáя Богорóдице, спаси́ нас.

Ложесны́ Слово прияла́ еси́, вся носящаго носила́ еси́, млеко́м пита́ла еси́, ма́нием пита́ющаго вселенну́ю всю, Чи́стая, Емуже поём: Го́спода по́йте дела́ и превозносите во вся ве́ки.

Пресвята́я Богоро́дице, спаси́ нас.

Моисей уразуме́ в купинé вели́кое та́инство рождества́ Твоего́, о́троцы же прообрази́ша си́ я́вственнее посреде́ огня́ стоя́ще, и не опаля́еми, нетле́нная свята́я Де́во; тем Тя почита́ем во вся ве́ки.

Пресвята́я Богоро́дице, спаси́ нас.

Пре́жде преле́стию обнажи́вшийся, в ри́зу нетле́ния облеко́хомся Рождество́м Твои́м, и седа́ющи во тьме прегреше́ний, Свет ви́дохом, Све́та жили́ще, О́трокови́це; тем Тя поём во вся ве́ки.

Слава: Ме́ртвии Тобо́ю оживля́ются, Жизнь бо Ипостáсную родила́ еси́, немии́ пре́жде, благоглаго́ливи быва́ют, прокаже́ннии очища́ются, недужи́ отгоня́ются, духо́в возду́шных мно́жества побежда́ются, Де́во, челове́ков спасе́ние.

И ныне: Ми́ру рожда́я Спасе́ние, Имже от земли́ на высоту́ взята́ бы́хом, ра́дуйся, Всеблагословенная, Покро́ве и Держáво, Стено́ и Утвержде́ние пою́щим, Чи́стая: Го́спода по́йте дела́ и превозносите во вся ве́ки.

Песнь 9

Ирмос: Всяк земноро́дный да взыгра́ется, Ду́хом просвещáемь, да торжествует же безплóтных умóв естество́, почита́ющее священное торжество́ Богома́тере, и да вопи́ет: ра́дуйся, Всеблаже́нная Богоро́дице, Чи́стая Присноде́во.

Пресвята́я Богоро́дице, спаси́ нас.

Да Тебе́ ве́рнии, ра́дуйся зове́м, Тобо́ю ра́дости причáстницы бы́вшие присносу́щныя, изба́ви нас напáстей, ва́рварскаго плене́ния, и вся́кия ины́я ра́ны, за мно́жество, О́трокови́це, прегреше́ний, находя́щая челове́ком согрешáющим.

Пресвята́я Богоро́дице, спаси́ нас.

Яви́лася еси́ просвеще́ние на́ше и утвержде́ние; те́мже вопи́ем Ти: ра́дуйся Звездó незаходи́мая, вводи́ющая в мир вели́кое Со́лнце; ра́дуйся, Еде́м отве́рзшая заключе́нный,

Чистая; радуйся, Сосуде, миро неистощимое на Тя излиянное приѣмшии.

Пресвятая Богородице, спаси нас.

Станем благоговейно в дому Бога нашего, и возопиим: радуйся, миру Владычице; радуйся Маріе, Госпоже всех нас; радуйся, Единая Непорочная в женах и добрая; радуйся, Столпе огненный, вводящий в выснюю жизнь человечество.

Слава: Голубице, Милостиваго рождающая, радуйся Приснодево; преподобных всех, радуйся Похвало, страдальцев венчание; радуйся всех праведных Божественное удобрение, и нам верным спасение.

И ныне: Пощади, Боже, наследие Твое, грехи наша вся презрев ныне, на сие имея молящую Тя, на земли безсеменно Тебе рождающую, великия ради милости восхотевшаго вообразиться, Христе, в человечество.